



Գործ թիվ ԵԴ/16829/02/18

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԵՐԵՎԱՆ ՔԱՂԱՔԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԴԱՏԱՐԱՆԻ  
ՈՐՈՇՈՒՄԸ  
ԳՈՐԾԸ ՊԱՐԶԵՑՎԱԾ ՎԱՐՈՒՅԹԻ ԿԱՐԳՈՎ ՔՆՆԵԼՈՒ ՄԱՍԻՆ

10.10.2018թ.

ք. Երևան

Երևան քաղաքի ընդհանուր իրավասության դատարանի դատավոր Ռ.Վարդազարյանս, ուսումնասիրելով վարույթում գտնվող թիվ ԵԴ/16829/02/18 քաղաքացիական գործի նյութերը,

ՊԱՐԶԵՑԻ

Երևան քաղաքի ընդհանուր իրավասության դատարանի 21.08.2018թ. որոշմամբ «ԳԼՈՒԼ ԿՐԵԴԻՏ» ՈՒՎԿ ՓԲԸ-ի հայցադիմումն ընդդեմ պատասխանող Սուրեն Միքայելի Մայսկի՝ գումար բռնագանձելու պահանջի մասին, ընդունվել է վարույթ, որի վերաբերյալ որոշումը և համապատասխան փաստաթղթերն ուղարկվել են սույն գործով կողմերին:

Դատարանն արձանագրում է, որ ներկայացվել է նվազագույն աշխատավարձի երկուհազարապատիկը չգերազանցող գումարի բռնագանձման պահանջ:

Պատասխանողին ուղարկված դատավարական փաստաթղթերը վերադարձվել են դատարան՝ «անհայտ» փոստային մակագրությամբ:

Դատարանը ձեռնարկել է ՀՀ քաղաքացիական դատավարության օրենսգրքի 95-րդ, 99-րդ հոդվածով սահմանված բոլոր միջոցները անհրաժեշտ դատավարական փաստաթղթերը պատասխանողին հանձնելու ուղղությամբ, մասնավորապես դատարանի կողմից գրություն է ուղարկվել պատասխանողի վերջին հայտնի բնակության վայրի վարչական շրջանի ղեկավարին և Հայաստանի Հանրապետության պաշտոնական ինտերնետային կայքում հրապարակային ծանուցում է տեղադրվել առաջին աստիճանի դատարանում դատավարական փաստաթղթերի ղեկունացված լինելու վերաբերյալ, որը տեղադրելուց հետո 15-րդ օրը դատավարական փաստաթղթերը համարվում են հանձնված (ստացված):

Դատարանը գտնում է, որ բացակայում է գործը պարզեցված վարույթի կարգով չքննելու հիմքերը, հետևաբար պետք է գործը քննել պարզեցված վարույթի կարգով և նշանակել դատական ակտի հրապարակման ժամանակ և վայր:

Ղեկավարվելով ՀՀ քաղաքացիական դատավարության օրենսգրքի 199-200-րդ, 296-298-րդ և 361-րդ հոդվածներով՝



## ՈՐՈՇԵՑԻ

1. Ըստ «ԳԼՈՒԲԱԼ ԿՐԵԴԻՏ» ՈՒՎԿ ՓԲԸ-ի հայցի ընդդեմ պատասխանող Սուրեն Միքայելի Մայսկի՝ գումարի բռնագանձման պահանջի մասին, թիվ ԵՂ/16829/02/18 քաղաքացիական գործը քննել պարզեցված վարույթի կարգով:
2. Դատական ակտը հրապարակել 2018թ. դեկտեմբերի 03-ին Երևան քաղաքի ընդհանուր իրավասության դատարանում (ք. Երևան, Տիգրան Մեծի 23/1):
3. Որոշումն ուժի մեջ է մտնում կայացման պահից և բողոքարկման ենթակա չէ:

ԴԱՏԱՎՈՐ՝



Ռ. ՎԱՐԴԱՋԱՐՅԱՆ